



AWEMainta

E DIFERENCIA DEN NOTICIA

Minister Wever no tin tempo ni placa pa drecha Oranjestad



2

³
Minister Glenbert Croes
A priminti cu lo reduci prijs
di awa y coriente

⁵
Ministerio Publico ta exigi
Ocho aña pa exportacion di 103
kilo di cocaina pa Hulanda

²⁰
Luna di conscientisacion
Bestuurskantoor a cende na blauw como
sosten n’e lucha contra abuso di mucha



Tired of **Manually** Processing Forms?

- 

SCANSYS
vision on imaging
- Digital Processing of Purchase Invoices and more
 - Seamless Integration with most Financial Software
 - Complete Control of Authorizations via Workflows



This **OCR software** scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

Minister Wever no tin tempo ni placa pa drecha Oranjestad



FALTA 14 luna maximo pa e proceso electoral 2025 tuma luga caminda pa loke ta e proximo aña, esaki lo ta mas dedica na hiba campaña cu goberna e pais.

Esaki ta nifica cu practicamente e plannan di Minister di Economia, Geoffrey Wever, lo no tin tempo y tampoco placa pa su gran plan di “revitalisacion” di tanto Oranjestad como San Nicolas.

Riba e ritmo cu e mandatario ta bayendo, caminda despues di casi tres aña como minister, a logra solamente ‘pida masha chikito’ di su plan di revitalisacion di centro di Playa. Siman pasa DOW a cera parti di Wilhelminastraat pa asina por a traha riba un parti di e caminda di 25 pa 25 meter.

E otro partinan di e plan aki, no tin fecha pa inicia pero mientras tanto Caya Betico Croes ta mustrand riba un cas di velorio, cu poco actividad comercial y ningun indicacion cu e manejo di Minister Wever lo rindi resultado pa cambia e situacion cu tin.

Siman pasa Minister Wever cu gran orguyo a declara na prensa cu den e periodo di januari te cu luna di maart di 2024, un total di 627 peticion pa permiso pa negoshi, caminda di e cantidad aki, ya caba 277 permiso a wordo trata y practicamente entrega mientras cu tin 196 permiso den tramite y

falta 154 permiso pa wordo trata pero tin cu regla e asunto di pago of entrega di un of otro documento cu falta.

Pues tin hopi actividad comercial tumando luga pero na mes momento cu Minister Wever ta anuncia esakinan, no ta mira di otro banda cu gobierno mes ta haciendo su maximo esfuerzo pa trata di convence algun di e negoshinan aki, establece nan mes den centro di Oranjestad.

No tin dialogo cu e comerciantenan, e doñonan di edificio cu ta para bashi na e momentonan aki y tampoco por mira un cambio di ley caminda lo por bay na exige doño di edificionan den Centro di Oranjestad, cu nan ta obliga di mantene nan edificio den condicion aceptabel cu lo a bunita den bista di bishitante y e localnan.

Esaki no ta e caso na e momentonan aki pero realidad ta cu no ta tin dialogo continuo tumando luga entre gobierno y sector priva y den e periodo di eleccion dilanti di tur hende, no ta spera cu lo tin algo concreto cu lo cambia e intencionnan di Minister Wever.

E berdad ta tristo ya cu siendo partner di gobernacion, ni Minister Wever y tampoco su colega di partido y Minister, Ursell Arends, ta wordo otorga suficiente medio financiero pa atende cu nan asuntonan di cual ta sumamente importante.

E problema serio cu e planta di RWZI na Bubali ta rekeri miyones pa wordo atendi a corto plaso mientras cu revitalisacion di centro di Oranjestad, ta rekeri hopi mas c’un truck di santo pa tapa un fontein cu pa motibo di ta di e gobierno anterior, no ta wordo manteni y cuida.

Minister Wever realmente no tin tempo pa haci algo na e centro di Oranjestad y tampoco e tin e fondonan pa haci algo drechi cu lo cambia henter e aspecto di e centro aki.



Marcando historia den gobernacion

Minister Glenbert Croes bisando cu lo reduci prijs di awa y coriente



FOR di 2022 Minister di Energia Glenbert Croes, a bin ta contando storianan na pueblo di Aruba, relaciona cu reduccion di prijs di awa y coriente, y den fin di siman el a bolbe presenta otro promesa sin splica kico a pasa cu e promesanan anterior.

AWEMainta por hasta conclui cu e forma di actua aki di Minister di Energia, ta mas bien un intento formal pa e mandatario purba di hustifica na pueblo di Aruba, su tin tantisimo biahe pa cualkier parti di mundo, ya cu sin cu tin cifra na man, den e competencia di gabinete Wever Croes II, sin duda Glenbert Croes tin liderato di e grupo di biahero aki.

Diabierna atardi e mandatario a regresa for di New York despues di a efectua, segun su propio declaracion, un biahe di trabou hunto cu Director di RdA pa reuni cu e compania Mericano, Hartree Partners pa loke mester ariba reunion di henter un siman.

Sinembargo esaki no tabata e caso ya cu informacion ricibi ta muestra a presenta mas tanto un pensamiento di un deseo di parti di gobierno di Aruba na e compania menciona pa yuda gabinete Wever-Croes II, haya heavy fuel oil barata pa cumpra riba mercado mundial.

“Hartree Partners:” Integrity is the foundation of Hartree’s

collaborative culture. Our reach extends across the globe and across asset classes. Hartree, founded in 1997, is privately held by management and Oaktree. Our 15 global offices and over 100 accomplished traders in more than 20 business lines work collectively to provide deep insight and expertise to enterprise-level, multinational and nation-state customers.”

Aki pues ta confirma cu e compania aki cu cual supuestamente Minister Glenbert Croes ta papia di lo tin un acuerdo, ta un compania cu ta duna conseho riba e mercado petrolero, di mercado internacional caminda e prijs ta adecuado y barata p’e clientenan haci inversion of compra di petroleo.

TRIKI POLITICO

Na su yegada for di New York diabierna ultimo, Glenbert Croes a uza e mesun triki politico cu el a bin ta uzando e ultimo añanan, no solamente pa alivia e pensamiento cu e ta un minister “globetrotter,” pero tambe un politico cu ta sigui papia bunita pero sin resultado.

E mandatario a insisti cu baha prijs di awa y coriente, ta algo hopi importante ya cu e lo yuda reduci prijs di hopi articulo cu a bin ta afectando pueblo p’e aumento di awa y coriente. Na luna di Februari ultimo sinembargo, Glenbert Croes sinta den oficina di RdA a contempla yegada di e “prome barco transportando ‘heavy fuel oil’ for di Venezuela,” ya cu esaki mustrand cu e prijs di e combustibel aki, ta mucho mas barata cu loke FMSA tabata paga anteriormente pa esaki.

Segun e mandatario, e HFO lo a wordo bendi cu WEB pa por maneha e planta cu ta produci awa y coriente y esaki lo yuda na reduci prijs pa pueblo.

E barco a bin y a bay y ningun mas a yega pa RdA pero awo casi dos luna despues, ata Minister Glenbert Croes cu otro anuncio cu Hartree Partners lo bay percura pa haya material barata cu lo yuda baha prijs di awa y coriente.

For di 16 di Augustus 2022, e promesa di Glenbert haci na pueblo cu e lo logra baha prijs di awa y coriente, ta bira e di nueve cu el a haci pero keto bay pueblo ta sigui soda pa paga awa y coriente.

Cu Minister Glenbert Croes lo bay haci mas di e tipo di biahenan aki, no ta cuestiona mes ya cu falta ainda un año cu probablemente e lo ta den gobierno ainda.

“Bo a yena” ta un insulto di un hende bobo



TIN hopi cos curioso ta pasa den bida diario caminda masha poco ta perde tempo pa atende cu e tipo di comportacion y expresion cu no ta sirbi interes di ningun hende.

Ta un tradicion sin duda den nos comunidad, cu un persona por topa un otro conoci of un amigo despues di hopi tempo, caminda un di e dos hendenan aki, ta a haci un observacion cu ta pone e otro sinti super infortabel.

Cu frecuencia y na hopi ocasion ta topa c’un hende despues di hopi tempo y un di nan lo haci e observacion: “bo a yena,” “bo a subi di peso” sin realisa cu e tipo di expresion aki, ta zona manera un insulto pa e persona cu tin cu scucha esaki.

Ningun pero ningun hende kier scucha e expresion aki pero lamentablemente hopi hende, demasiado hende, ta kere cu

nan tin cu inicia un combersacion c’un amigo of un hende conoci, cu e tipo di expresion aki, sin tuma na consideracion cu e persona mes na cual e ta expresa esaki, lo ta sinti su mes incomodo caba cu su situacion.

Ningun hende kier bira gordo, ningun hende kier yena sin mas, den algun cas e por ta un falta di disciplina na momento di atende cu su stoma, esta ora cu nan haya hamber y hopi di e hendenan aki sa cu nan ta robes pa come for di control.

Sinembargo hopi di e hendenan aki, por tin un motibo cu nan ta yena of bira gordo, e por ta nan sistema digestivo of cuakier otro aspecto cu nan salud y ta mas cu claro cu e hendenan aki ta incomodo cu nan curpa y cu nan peso.

Lamentablemente kisas pa custumber, tin demasiado hende den comunidad ta kere cu e tipo di expresionnan aki, esta di cuestiona fisico di un conoci of un amigo, ta kere cu cuestiona peso di otro, ta un bon inicio di un combersacion c’un conoci of amigo.

Hopi hende cu tin problema cu nan fisico, nan peso ta sinti super incomodo pa scucha e tipo di remarcnan aki y por ripara cu ta surgi un alehamento di amigo y conoci cu ta haci nan mes culpabel na esaki.

“Bo a yena” ta un expresion un tiki mas suave cu por ehempel “bo a bira gordo” pero realidad di e situacion aki ta cu ambos expresion no ta algo cu cual tin cu saluda un hende cu esaki. Un aspecto un tiki “comico” riba e asunto aki ta cu tin hopi caso ta haya un persona cu tampoco tin cu peso bou di control ta bira haci e expresion di “bo a bira gordo” ora cu topa c’un conoci despues di hopi tempo.



Ocho año exige pa exportacion di 103 kilo di cocaina pa Hulanda

DIABIerna mainta Corte den Prome Instancia a trata un caso di droga caminda e dos acusadonan, e Dominicano J.C. di 52 año y e homber Venezolano E.F. di 63 año mester a duna cuenta di 103 kilo di cocaina cu nan a trata di exporta pa Hulanda, haciendo uzo di e compania di transporte, Fast Delivery.

Sinembargo prome cu e carga aki a wordo poni riba barco rumbo pa Hulanda, autoridad di aduana a descubri e cargamento di droga aki scondi den dos sistema.

A bin haya un total di 71 kilo di cocaina scondi den piesa destina pa drecha caterpillar mientras cu a bin haya otro 32 kilo scondi den algun caha cu tambe tabata destina pa Hulanda.

A bay over na detene e dos sospechosonan aki kendenan a hiba e cargamentonan aki pa Fast Delivery y e prome cu a basha abou y admiti cu en berdad nan tabata envolvi den e cargamento aki, esta e acusado E.F. di 63 año, diabierna mainta el a insisti cu e no tabata na altura mes di e droga y cu ningun momento el a declara na polis cu e tabata envolvi den e transporte di droga aki.

Di tur forma el a insisti cu el a carga e piesanan pa wordo hiba pa e compania di transporte y loke e testigonan a declara riba su persona, simplemente no tabata berdad.

E acusado J.C. tambe a insisti cu e no tabatin arte ni parte den henter asunto aki y cu ningun momento e lo a acepta culpabilidad mustrand cu el a haci loke a pidi su persona pa haci, esta di hiba e cahanan den cual tabatin droga scondi, pa e compania Fast Delivery.

Hues a mostra e acusado E.F. cu segun relato di polis, el a admiti cu e droga lo tabata di dje pero diabierna mainta el

a bisa cu ningun momento el a admiti esaki na Polis pero segun Hues, e acusado aki na Hues Comisario a confirma cu loke el a declara na polis, tabata su version corecto, pues aceptando cu e tabata envolvi cu e cargamento di droga aki.

Notabel tabata echo cu dilanti Hues diabierna mainta, ambos acusado a dicidi di cambia nan prome declaracionnan y a cu nan a insisti cu nan no tabata sa algo di e droga pero simplemente a cumpli cu nan trabou di hiba e piesanan di caterpillar y e otro cahanan, pa e compania di exportacion caminda a bin descubri e droga.

Fiscal a mostra Hues cu e pruebanan ta contundente ya cu declaracion di varios testigo a liga e dos acusadonan na e droga y a exige un castigo pisa di 10 año di prizon pa e fayoso aki.

SORPRESA

Un exigencia cu sin duda a lanta hopi pensamiento ta con Ministerio Publico, hunto cu autoridad policial y e Corte particularmente, lo tin cu sigui mira e casonan aki den futuro y un observacion di un di e abogadonan den e caso aki, a mostra entre otro cu e exigencia di Fiscal lo ta desproporcional mirando cu den pasado Ministerio Publico a exige un castigo di 8 año di prizon pa un acusado caminda el a wordo acusa di a envolve cu transporte di mil kilo di cocaina.

Aki tambe ta surgi e pensamiento con dos caso cu a sosode tanto na 2023 y recientemente e año aki, caminda a intercepta dos barco cu cargamento di droga y aki a dicidi di laga e dos gruponan aki wordo expulsa bek pa nan pais di origen, sin cu nan a mira sala di Corte y ta cargamentonan hopi grandi mes.

Dia tres di mei venidero, Hues lo tuma un decision den e caso en cuestion caminda e lo dicta sentencia contra di e dos acusadonan aki.





HOROSCOPO

Di Siman

Despues di e fin di siman, nos ta ranca sali ya den e di tres siman di e luna di april 2024, marca p'e Cuarto Creciente di e luna dialuna awo. Nos e porvenir di tur e signonan di e zodiaco lo ta - Acuario, Scorpio, Aries, Geminis, Tauro, Virgo, Cancer, Piscis, Libra, Leo, Sagitario y Capricornio - den e prediccion di e horoscopo?

E proximo shete dianan lo bay ta afecta pa un fase lunar nobo. Dialuna, 15 di april e Luna den Cuarto Creciente den e signo di Cancer lo revitalisa nos, lo yena nos di forza y energia y potencia nos banda mas intuitivo y empatico. Lo ta dia 19 di april ora cu e Solo lo dreña den Tauro y lo cuminsa e periodo magico p'e signo di tera aki. Cu Venus den Aries, e pasion lo explota den amor, segun e pronosticonan di Esperanza Gracia.

AweMainta ta presenta bo e pronosticonan di horoscopo durante e proximo shete dianan den tur e signonan zodiacal, cuminsando awe, dialuna, 15 di april, te cu diadomingo 21 di april, 2024.

ARIES

Probecha e ultimo dianan aki cu Solo ta transita door di bo signo pasobra bo ta ricibiendo un poderoso energia astral y lo bo bay obtene e recompensanan cu bo merece. Lo bo comproba cu, ora bo activa bo boluntad y bo energianan, lo caba na logra bo metanan.

Venus den bo signo, lo faborece tur cos relaciona cu sentimento y por trece reencuentro cu un hende cu bo a distancia di dje.

TAURO

Hopi pabien. Algun problema of situacion cu bo ta bibando aden tin bo inkieta, pero dia 19 Solo lo dreña den bo signo y lo bay duna bo hala pa bo reacciona y aleha bo di tension. Fuera di esey, Jupiter den bo signo ta bo guardian pa suerte bay na bo favor ora cu mas bo tin mester di dje. Ta ora pa kibra y pa scoge un caminda diferente.

GEMINIS

Cu e energia den e Cuarto Creciente, bo ta optimista, activo y hopi vital y lo bo bay logra e resultadonan espectacular si bo habri na cos nobo. Un toke di imaginacion lo cumbini bo; no tranca den e cosnan di semper y laga bo creatividad los pa bo plannan haya caminda liber pa nan realisacion. Expresa bo sentimentonan, no keda keto.

CANCER

Bo ta hopi generoso y bo ta duna tur cu tin, pero bo mester logra e balans entre e develo pa otro y bo propio necesidadnan. Lubida pasado, lo bo sali ganando cu tur loke bo laga atras. Si bo tin bo animo mixto, e Cuarto Creciente den bo signo lo bon duna bo un man, aumentando bo energia y vitalidad y contribuyendo pa bo recupera e optimismo.

LEO

Cu e Luna creciente den bo signo, dia 16 y 17, bo gana di biba y bo energia lo ta hopi grandi y e miho cos ta cu lo bo sa di contagia esunnan cu ta rond di bo. Venus bon aspecta lo biba bo vlam di amor y lo yuda bo haya e balans den bo relacionnan. No retrasa mas di un decision cu bo sa cu bo

mester tuma y cu lo resulta hopi beneficioso pa bo.

VIRGO

Porfin, despues di tur loke bo a sufri, awo bo tin e suerte y oportunidad lo yega bo bida cu lo permiti bo lubida e pasado. Bo ta cuminsa cu etapa nobo, den parti imprevisibel, pero si tin algo sigur: lo bo bay sinti bo mes mas feliz. Cu e luna den bo signo, e dianan 18, 19 y 20 lo bo sa di maneha habilmente bo situacionnan y lo bo tin hopi exito.

LIBRA

Bo ta original y hopi ingenioso y e cosnan lo bay ta di maraviya unda cu lo bo implica di berdad. E inconvenientenan lo aleha di bo bida, asina ta no

NEW TIRES
IN STOCK

VISIT US TODAY
AND SAVE.

Shaba
☎ 5870621

Sta. Cruz
☎ 5834363

Cura Cabai
☎ 5845046

rindi pasobra bo ta cada biaha mas cerca di logra bo obhetivonan y lo bo bay tribi di haci loke semper bo a soña. Pone den marcha e habilidadnan seductor ey cu bo ta posee pa atrae e personanan cu ta interesa bo.

SCORPIO

Cu Mars hopi bon aspecta, lo bo no falta energia pa atende cu e temanan pendiente y laganan resolvi di un biaha. Amor lo hari cu bo y lo haci bo mira bida hopi mas grato. Ta momento di consolida un relacion cu por cambia y mehora bo mundo. No laga bo mes hiba pa un exceso di confiansa cu placa pa evita "setback".

SAGITARIO

Cu un vitalidad inmenso, e siman aki no lo tin hende cu lo para bo y e circunstancianan lo bay ta hopi propicio. E bon aspectonan di Venus lo trece harmonia na bo dia y si tin problema den bo relacionnan nan lo bay dissolve manera magia. Ta hopi posibel cu bo logra un granb exito of lo bo alcanza un posicion cu bo tabata desea desde un tempo caba.

CAPRICORNIO

Lo bay sosode cos importante den bo bida y bo tin un recupera e energianan perdi pa bo no desaprobecha e oportunidadnan. Concentra den bo mes, awo lo principal t'abo y sigui loke ta haci bo feliz, aunke esey ta indica pa tuma e decisionnan complica. Por ta por tin cambio repentino y inespera cu lo trece cos bon den bo bida.

ACUARIO

Laga bo mes hiba p'e impulsanan di bo curason y aleha bo di e personanan toxico cu ta kita e energia. Lo bo sa di probecha lo maximo di bo potencial y bo claridad mental lo yuda bo sali di bon di cualkier situacion complica. E Cuarto Creciente lo haci cu bo lo sinti fuerte y vital y ya lo bo sa ki ora bo lo ta bon, tur cos lo funciona miho. Un cambio inespera lo duna bo colo na bo bida.

PISCIS

Algo cu bo no kier pa haya sa, por sali na cla, pero bo intuicion lo guia bo pa bo actua manera miho ta cumbini bo y no sali perhudica. Kisas no ta momento di hiba bo plannan na practica; ta cumbini bo spera e circunstancianan mas apropia.

Aunke por tin ups and downs den bo bida, cu Mars den bo signo, lo bo ta yena di energia pa pone bo den accion y no rindi.







We Are HIRING

Join Our Award-Winning Team

#1 TOP HOTEL IN THE CARIBBEAN
#18 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ **IT SPECIALIST**
- ✓ **HOST/HOSTESS (AM/PM)**
- ✓ **BEACH ATTENDANT**
- ✓ **HOUSEMAN**
- ✓ **ROOM ATTENDANT**
- ✓ **DOORMEN / DOOR LADY PART TIME**

BENEFITS

ATTRACTIVE SALARIES WITH BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM, EMPLOYEE DISCOUNTS



APPLY ONLINE AT: WWW.BUCUTI.COM/CAREERS



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Estudiante Hulandes desapareci na Noruega

A haya culpa aunke ainda no a confirma identidad



UN estudiante Hulandes, desapareci na Noruega, a wordo haya sin bida cerca di e localidad di Bodø, despues cu el a disparce riba diasabra durante un caminata.

E estudiante di e Facultad di Ciencia di Bida y Aquacultura na Universidad Nord na Bodø, tabata canando dilanti di e grupo den e area montañoso di Åselidalen durante un caminata cu dos otro estudiante internacional y a disparce fo'i bista. E compañeronan a bati alarma y e buskeda a cuminsa.

E condicionnan no tabata faborabel pa e esfuerso di buskeda, cu mal tempo y tereno dificil cu a complica e esfuerso di buskeda. Autoridad pronto a cambia pa un buskeda cu sospecho di un morto, mirando e tempo cu a pasa desde e desaparicion y e factornan ambiental desafiante.

Un culpa a wordo haya diabierna anochi, pero polis no a

confirma ainda ningun identidad oficial. Sinembargo, hopi hende ta kere cu ta trata di e estudiante desapareci, y e famia a wordo informa di e sucesonan.

E circunstancia exacto rond di e descubrimiento di e restonan no a wordo revela ainda pa e autoridadnan. E noticia a causa un ola di tristesa y preocupacion, no solamente den e circulo inmediato di esunnan involvi, pero tambe entre e comunidad internacional di estudiante y e comunidad Hulandes na Noruega.

E evento tragico ta recorda nos e peligernan cu por surgi den naturalesa y ta enfatisa e importancia di precaucion durante actividad den aire liber. Investigacion riba e circunstancianan rond di e morto di e estudiante ta continua mientras cu e sernan keri ta yora e perdida di un bida hoben cu a termina demasiado pronto.

Atacado di Sydney Identifica

Problema di Salud Mental cita den incidente fatal den centro comercial



Relato di e testimonian presencial y secuencia di video a capta caos y horror ora Cauchi, arma cu un cuchiu, a core a lo loco den e centro comercial, atacando e cumpradonan sin previo aviso. A pesar di e respons rapido di Polis, incluyendo Inspector Amy Scott, kende finalmente a tira y a mata Cauchi, e tragedia a laga un impacto profundo riba e comunidad.

Prome Minister Anthony Albanese a elogia e actonan heroico di Inspector Scott y otro e pasaheronan cu a intervení pa proteha bida memey di e caos. Mientrastanto, famia di Cauchi a expresa nan lamento pa e eventonan, reconociendo e lucha di nan yiu cu salud mental for di adolescencia.

Mientras e comunidad ta trata cu e consecuencianan di violencia sin sentido, a pone tributo floral pafo di e centro comercial na honor di e victimanan.

E incidente ta sirbi como un recordatorio di e retonan continuo rond di salud mental y seguridad publico, cu a provoca peticion nobo di apoyo y iniciativa di concientisacion.

POLIS Australiano a identifica Joel Cauchi, di 40 aña, como e agresor responsabel pa un incidente tragico cu a costa bida di seis persona den un centro comercial na Sydney. E atake, cu a tuma luga na Westfield Mall na Bondi Junction, a shock e nacion y a laga 12 persona herida, incluyendo un mucha di 9 luna cu su mama tabata entre e victimanan.

Autoridad a indica cu Cauchi tabatin problema di salud mental no specifico, cu a conduci nan pa descarta terrorismo como motibo di e atake. Subcomisionado di Polis di New South Wales, Anthony Cooke, a enfatisa cu no tin evidencia cu ta sugeri un motivacion ideologico specifico tras di e incidente.

E victimanan, cinco hende muhe y un hende homber, entre 20 y 55 aña, a wordo hinca mata durante e asalto. Entre e mortonan tabata Faraz Tahir, di 30 aña, security di e centro comercial, kende tabata conoci como un miembro respeta di e Comunidad Musulman Ahmadiyya di Australia.

TARA LOUNGE

by Elements
RESTAURANT

SUNDAY BRUNCH

\$55 PER PERSON | CHAMPAGNE INCLUDED
11:30 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3

Corte Argentino ta culpa Iran pa e Atentado na AMIA na 1994



CORTE Argentino a dicidi cu Iran ta responsabel pa e atentado mortal cu bomb na 1994 contra e centro Hudiu di Asociacion Mutual Israelita Argentina (AMIA) na Buenos Aires. E decision aki a tuma luga mas cu tres decada despues di e atake, cu a cobra 85 bida y herida 300 persona. E corte a atribui e culpa na Iran y su apoderado, Hezbollah, marcando un avance significativo den busca husticia pa e victimanan.

E sentencia a clasifica e atentado contra AMIA como un

"crimen contra humanidad" y a implica ex-presidente Irani Ali Akbar Hashemi Rafsanjani y e otro funcionarionan halto pa ordena e atake. Aunke Iran ta nenga su participacion, e prueba, incluyendo yamada di telefon intercepta y testimonio di e testigonan, ta muestra riba complicidad Irani.

E Presidente di e Delegacion di Asociacionnan Israeli di Argentina (DAIA) a tuma e decision cu satisfaccion y a afirma cu e por habri caminda pa e victimanan busca husticia na nivel internacional, potencialmente via Corte Penal Internacional.

E procedementonan legal rond di e atentadonan a wordo plagia di acusacion di encubrimiento, corrupcion y obstruccion di husticia. E ex-presidente argentino Carlos Menem, den funcion durante e atakenan, a enfrenta un huicio pa cubri e atentado contra AMIA, pero finalmente el a keda absolvi. Su ex-hefe di inteligencia a ricibi un sentencia di prizon pa obstruccion di e investigacion.

E caso a trece na claridad e interseccionnan compleho di politica, diplomacia y terrorismo, cu revelacion di negociacion secreto y supuesto acuerdonan comercial entre Argentina y Iran.

E esfuersonan pa responsabilisa e autornan ta sigui, cu orden internacional di detencion emiti contra e miembronan di Hezbollah. Sinembargo, logra husticia pa e victimanan ta keda un reto tremendo memey di e complehidadnan legal y e sensibilidadnan diplomatico cu ta tumando luga.

Ban Peru

cu Aruba Airport



Cuminsando na

US \$185

pa roundtrip





Hurado Mericano ta ordena AWS di Amazon pa paga 525 miyon dollar den caso di infraccion di patent

DEN un decision historico, un cuerpo di hurado federal di Illinois a dicidi cu Amazon Web Services (AWS), e proveedor lider di servicio den 'cloud', mester paga 525 miyon dollar na e compania tecnologico Kove pa viola su derechon di patent den tecnologia di almacenamiento di data. E hurado a haya AWS culpabel di a viola tres patent di Kove, cu segun Kove ta fundamental pa e capacidad di Amazon pa warda y recupera cantidad grandi di data.

E demanda, presenta pa Kove, cu sede na Chicago, na 2018, a indica cu e Servicio di Almacenamento Amazon S3 di AWS, e servicio di base di data DynamoDB y otro e productonan tabata viola e patentnan di almacenamiento den cloud, di Kove. Kove a declara cu e tabata un pionero den tecnologia pa almacenamiento den cloud di rendimiento halto hopi prome cu e yegada di computacion den cloud.

Despues di e veredicto, un vocero di Amazon a expresa su desacuerdo cu e decision y a anuncia e intencion di e compania pa apela. Kove su abogado principal, Courtland Reichman, a elogia e veredicto como un victoria pa innovacion y a enfatisa e importancia di proteha e derechon

di propiedad intelectual di e companianan nobo contra e gigantenan tecnologico.

Mientras cu e hurado a bay di acuerdo cu AWS a viola e tres patent di Kove, el a rechasa Kove su afirmacion cu AWS intencionalmente a viola su derechon. AWS a nenga enfaticamente e acusacionnan y a argumenta cu e patentnan en cuestion no tabata valido.

E sentencia aki ta tuma luga memey di un litigio cu ta tumando luga, ya cu Kove tambe a demanda Google pa supuestamente viola e mesun patentnan den un demanda separa na Illinois, cu ainda no a ser resolvi.

E resultado di e caso aki ta enfatisa e importancia di proteccion di propiedad intelectual den e sector di tecnologia y ta sirbi como un recordatorio di e bataya legal complica cu hopi biaha ta surgi entre e innovadonan y e lidernan di industria.

Mientras cu ambos partido ta prepara pa posibel apelacion y futuro procedimiento legal, e implicacionnan di e decision aki por tin un impacto riba henter e industria tecnologico.



Resumen Di UFC 300

Knockout epico di Max Holloway a enfatisa un anochi memorabel di pelea



UFC 300 a duna un anochi di momento inolvidabel, cu a culmina cu un knockout digno di e titularnan di Max Holloway contra Justin Gaethje. E evento, cu a marca e cartel number

300 di UFC, a muestra un accion emocionante for di principio te fin, lagando e fanaticonan sinta na e rand di nan stoel.

Durante e 'co-main event', Max Holloway a graba su number den historia di UFC cu un final asombroso contra Justin Gaethje. Cu solamente seconde cu a keda den e lucha, Holloway a yama Gaethje den centro di e octagono prome cu el a dun'e e golpi devastador di knockout, cu a manda Gaethje di golpi contra e net di e octagono. E final espectacular a solidifica e luga di Holloway entre e leyendanan di UFC y a laga e fanaticonan asombra.

E anochi tambe a conta cu un otro knockout impresionante ora Alex Pereira a defende exitosamente su campeonato masculino di peso semi-pisa contra Jamahal Hill. Pereira a muestra su poder increibel door di a despacha Hill lihe cu un jab robes despues di un pauze cortico pa ataca cu un golpi abou.

Den e lucha pa e campeonato di peso palo femenino, Zhang Weili a sali victorioso den un bataya di lucha contra Yan Xiaonan. A pesar di un esfuerzo di curashi di Xiaonan, Weili su dominio durante henter e lucha a sigura su victoria pa decision unanime, reteniendo su título.

Otro encuentro notabel tabata e victoria pa decision dividí di Arman Tsarukyan riba Charles Oliveira, E victoria pa knockout tecnico di Jiri Prochazka contra Aleksandar Rakic y e triunfo pa decision unanime di Aljamain Sterling riba Calvin Kattar.

E evento no tabata sin di drama, cu Zhang Weili ta muestra deporte pa expresa su deseo di bira amigo di Yan Xiaonan despues di su lucha intenso.

Ademas, Mark Coleman, miembro di UFC Hall of Fame, a bira noticia pa su acto heroico di salba su mayornan for di un candela den un cas algun siman prome cu el a asisti na UFC 300.

En general, UFC 300 tabata na altura di su facturacion historico, dunando un anochi electrificante di pelea cu lo keda recorda den e proximo añanan.

For di e inolvidabel Knockout di Max Holloway te na e demostracion di resiliencia di Zhang Weili, e evento a muestra e miho di arte marcial mixto y a laga e fanaticonan ansiosamente wardando pa e siguiente capitulo den historia di UFC.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 – 5653466
E-mail: info@carlymar.com

Conseho di Supervision tin caminda liber pa retira Kroes despues di e desicion di conseho administrativo di BAVA



E Reunion Extraordinario di Accionista (Bava) di Ajax, programa pa dia 21 di mei, ta primintí di ta un momento crucial den e eventonan recien rond di e CEO suspendi, Alex Kroes. Sinembargo, e Hunta di Directiva a dicidí di no presenta punto di e agenda, locual ta duna e Conseho di Supervision libertad pa implementa e retiro di Kroes.

Un informe recien publica den De Telegraaf a sugeri cu un mayoria significativo den e Hunta di Directiva, como accionista principal di Ajax, tabata di acuerdo cu un regreso di Kroes como gerente general. Sinembargo, e Hunta di Directiva awo ta parce di keda un banda durante BAVA. E agenda di e reunion ta contene solamente punto di discusion y sin ningun voto, loke ta nifica cu e futuro di Kroes no por wordo determina na e acto.

Aunke e Conseho di Supervision no a haci yamada pa vota, e Conseho di Administracion mes por a pidi pa vota. Sinembargo, investigacion ta mustra cu esaki no a sosode, loke segun Quote ta indica un aceptacion di e renuncia di Kroes pa parti di e Hunta di Directiva.

Joost Schmits di e asociacion di propietario di balor (VEB) ta enfatisá cu BAVA ta un fecha crucial, caminda e Conseho di Supervision por ratifica casi sin obstaculo e salida definitivo di Kroes.

Kroes a keda suspendi anteriormente pa abuso di informacion inclusivo, y Michael van Praag,

presidente di e conseho di Supervicion, a declara repetidamente cu no tin regreso p'e CEO.



**ENTRANTE 1 DI APRIL 2024
TUR CLIENTE LO TA
DISFRUTANDO RED LTE**

Si bo celular no ta capacita
of mester judansa pa ajusta esaki,
Bihista nos na Tanki Leendert

Bishita nos pagina social pa mas informacion



Yankees cu 'Franchise-Best Start' den 15 wega

NEW York Yankees ta sigui cu nan bon comienso di temporada pa medio di un double-header contra Cleveland Guardians diasabra, igualando nan miho marca di frankicia den 15 wega. Despues di a pospone e wega debi na condicion di tempo diasabra, Yankees a sali balansa, sigurando un victoria di 3-2 den Wega 1 prome cu domina cu un victoria di 8-2.

Juan Soto a surgi como un hungado clave pa Yankees den e di dos wega, lansando un racha di tres careda cu a contribui na e impresionante exhibicion ofensivo di e team. Soto, kende a uni cu Yankees den su prome temporada cu e team, actualmente tin un estadistica di bateo impresionante cu un liña di slash di .339/.465/.554.

E record di 12-3 di Yankees den 15 wega ta coincide cu nan miho apertura den historia di e franchise. E temporada anterior den cual Yankees a logra un record similar ta inclui 1926, 1943, 1949, 1987, 1988, y 2003. Notablemente, tres di e temporadanan aki a resulta den campeonato di World Series pa Yankees, destacando e potencial di exito cu un comienso asina fuerte.

Ademas di nan record actual, Yankees tambe a cuminsa e temporada cu un marcacion di 11-4 na 10 diferente ocasion, ganando e World Series den cinco di e temporadanan ey. Esaki ta e di 17 biaha den historia di e franquisia cu Yankees tin por lo ménos 11-4 den 15 wega, y shete di e 16 instancia anterior a resultá den victoria di e campeonato.

Entre e 30 ekiponan di MLB, e comienso di 12-3 di Yankees ta pone nan entre e 84 ekiponan den historia cu a logra un comienso di temporada asina solido.

Tampa Bay Rays di e temporada pasa tabata e team mas recien cu a cuminsa 13-2 via 15 wega, mientras e miho comienso registra via 15 wega tabata 14-1, logra cinco biaha, e mas recien pa Milwaukee Brewers na 1987.

Den futuro, Yankees tin un wega mas den nan serie contra Guardians prome cu nan biaha pa Toronto pa un serie di tres wega contra Blue Jays. Cu nan impresionante comienso di temporada, Yankees ta mantene nan impulso mientras nan ta sigui nan buskeda di exito den e temporada 2024 di MLB.



THE CASINO AT
THE RITZ-CARLTON
ARUBA

THE CASINO AT
ST REGIS
ARUBA



APRIL 12 - NOVEMBER 22, 2024

Receive one (1) raffle ticket for every 300 points /\$150 theoretical win or with every \$150 check at Casa Nonna New York, BLT Steak or Divi Lounge.

SELECTING 50 FINALISTS

**WEEKLY
DRAWINGS**
31 FINALISTS
APRIL 20TH TILL
NOVEMBER 16TH

**GOLDEN KEY
DRAWING**
2 FINALISTS
NOVEMBER 16TH

**TOP PLAYER'S
RACE DRAWING**
9 FINALISTS
NOVEMBER 21ST

**LAST CHANCE
DRAWING**
8 FINALISTS
NOVEMBER 22ND

Must be over the age of 18 years. The Casino at The Ritz-Carlton, Aruba encourages Responsible Gaming.

Atletanan ta pidi pa 'Performance-Driven Gear'.

Nike enfrentando reaccion violento debi na diseño sexista di nan uniforme



E atletanan representando e ekipo Mericano a expresa critica fuerte contra e kit di atletismo di Nike pa hende muhe, considerand'e inecesariamente revelador y sexista.

E conhuntonan presenta, cu ta ilustra un liña di carson di corte hopi halto, a provoca indignacion entre e atletanan olimpico cu ta argumenta cu funcionalidad mester tin prioridad riba scarsedad.

E coredo di obstaculo Mericano Colleen Quigley a expresa su decepcion y a declara cu e uniformnan "no ta traha pa e rendimiento". Mescos, Lauren Fleshman, ex-campeon nacional di Merca, a condena e uniform riba Instagram, enfatisando e importancia di un bistimento cu ta sostene e rendimiento mental y fisico.

Tara Davis-Woodhall, un bulado di distancia largo Mericano, a comenta cu humor pero deliberadamente e naturalesa revelador di e uniform, destacando e preocupacionnan tocante practicalidad y comodidad durante e competencia.

E debate rond di e uniformnan revelador den deporte femenino no ta nobo, y e discusionnan ta extende na varios disciplina manera beachvolley y gimnasia.

Algun regla riba e paña di competencia ta evolucionando, manera ta mira cu e ekipo di gimnasia femenino di Alemania

a opta pa bodysuits largo na e Weganan Olímpico di Tokyo.

Den respons n'e criticanan, Nike a clarifica cu e ta ofreciendo opcion di unitard cu 'briefs' y shorts pa e Weganan Olimpico di e aña aki, dunando e atleta mas opcionnan compara cu esunnan anterior. Sinembargo, e demanda di paña cu ta adapta na diferente tipo di curpa ta keda prominente, y e atleta ta boga pa un confeccion personalisa pa garantiza un ahuste optimal.

Mientras e atletanan patrocina pa Nike, manera Katie Moon, ta reconoce e variedad di opcionnan disponibel, e demanda di uniform funcional y inclusivo ta persistí entre e comunidad atletico.

Mientras e 'count down' pa e Weganan Olimpico ta continua, atencion ta enfoca riba marca di paña deportivo pa priorisa rendimiento, comodidad y inclusion den nan diseño, reflehando e panorama cambiante di atletismo femenino.

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Mensahe di Eman y Heyliger p'e pensionadon ricibi cu entusiasmo



E mensahe cu mr. Mike Eman y Clifford Heyliger a comparti cu comunidad den conferencia di Prensa y n'e activistanan di partido den un reunion special na Cas di Partido riba e 10 puntonan di enfoke di partido AVP a wordo ricibi cu hopi entusiasmo.

Den un presentacion cu a combina e tema di poder di compra, costo di bida y atencion special p'e pensionadonan, e dirigentenan di e partido berde a substancia e motibo di e 10 puntonan y e pakico mester yega na salario mas husto pa e empleado y un aumento di 50% pa pensionado.

COMPROMISO COMUN

Eman y Heyliger tin un trayectoria comun for di tempo di Dialogo Social tempo cu Eman como Prome Minister tabata dirigi e plataforma di Dialogo Social. E tempo ey Clifford Heyliger tabata Presidente di SIWA. Tabata den e plataforma aki di Dialogo Social cu den harmonia y respet mutuo tabata yega na realisa cambion importante pa poder di compra y p'e pensionadonan. Riba e plataforma aki a haci e cambionan pa por a rescata e fondo di Pensioen di Biehes y tambe e Fondo di Pensioen di APFA. Tambe riba e plataforma aki a realisa e reparatietoeslag pa empleado den sector priva y tambe pa e pensionadonan. E prioridad di mehora e base di pensioen di Aruba a conoce tambe un ley historico e tempo ey cu introduccion di un Pensioen General pa tur empleado banda di AOV. Den e mesun compromiso pa mehora poder di compra e tempo ey a bin tambe cu aumento di bijstand

y introduccion di schoolkinderen toeslag p'e famianan riba bijstand.

COMPROMISO NOBO

Awo atrobe ta sinti un necesidad grandi pa mehora e poder di compra di e ciudadanonan y pensionado. P'esey Eman y Heyliger comentando riba dos di e 10 puntonan di enfoke di e partido berde a mostra cu e liña berde den e 10 puntonan ta pa atende directamente cu proposicion concreto pa mehora e poder di compra di e pueblo. Heyliger a enfatisa e punto cu ta subraya cu mester mehora poder di compra; crea un economia husto caminda un salario di un trabao mester por ta suficiente pa un bida husto y di calidad; asina por realisa prosperidad comparti. Eman a splica con AVP ta bay realisa e aumento di 50% di pensioen pa medio di e mesun instrumento cu Gabinete Mike Eman a introduci pa yuda pensionadonan, esta e reparatietoeslag. Eman ta enfatisa cu aumento substancial di Pensioen di nos Grandinan por medio di un aumento substancial di reparatietoeslag ta un necesidad urgente mirando e pobreza bao di pensionadonan cu tanto cu a asota nan e ultimo añanan.

Tambe Eman a mostra cu lo bin tambe cu un "bijstand" special pa mayor cu yiu cu limitacion y ampliacion di sosten pa esunnan mas vulnerabel den comunidad. E liña di e maneho ta pa sirbi e BON COMUN, tanto Eman y Heyliger a enfatisa.

Eric Ras (CURPA)

Ta warda te ora baca hoga pa tuma accion na dump y Bubaliplas?

CADA dia cu pasa ta un dia perdi na man di nos gobierno cu ta haci mas malo cu bon. Nos minister cu ta encarga cu Bubaliplas y cu dump ta hungando cu candela. Tin 2 hotel cu ta casi cla y nada a wordo haci cu e planta di purificacion na Bubaliplas. Un planta cu mester procesa 10.000 metro cubico solamente ta procesa 4500 metro cubico. Nos gobierno ta di mala fe pasobra intencionalmente ta alarga e tempo y di otro banda ta caba cu nos unico pilar economico cu ta nos turismo.

Pakico intencionalmente pasobra nos gobierno ta debidamente na altura di e planta di purificacion na Bubaliplas y no a saca un man pa drecha e planta di purificacion. E por zona chistoso pero parce cu e mediador mester a cay den e asunto pa intermedia entre partido MEP y partido RAIZ pa yega na un solucion riba termino corto. Ribi dje e planta na Parkietenbos tampoco ta den servicio. Kier pronkia cu hotel pero no kier zorg pa e planta di purificacion.

Ademas tin mas caso contra gobierno pa via di e holo stinki di Bubaliplas cu ta perhudicando nos turismo. Ni cu daño y perjuicio gobierno ta move.

Imagina solamente cu e tankinan kibra. E consecuencia ta cu tur e awa sushi ta invadi sector hotelero y Playa. No solamente esey. Un gran parti di Aruba, unda gran mayoria di e hotelnan ta situa, no por haci uzo di WC ni baño (e awa). Manera cu abogado mr. Patrick Brown a bisa den corte, den menos cu 24 ora e turistanan lo mester bandona Aruba. Con lo haci pa saca casi 3.300 turista den algun ora for di e isla. Sin conta e consecuencia cu un noticia asina riba red internacional tin riba e 1.2 miyon bishitante cu Aruba ta ricibi anualmente.

Partido CURPA no sa si minister Ursell Arends ta na altura, pero e ta personalmente responsabel pa locual cu ta pasando cu e planta di purificacion na Bubaliplas y tambe pa desperdicio. A core cera dump pero te dia di awe no tin solucion. Mas pio ainda cu for di september 2023 e incinerator ta for di servicio. Nos por corda cu e habitantenan di Parkietenbos y vecindario a entama un caso contra di gobierno y a para e operacion di incinerator.

Mientrastanto e acumulacion di desperdicio humano, segun informacion cu nos a ricibi, ta sigui crece. Tin papia cu e ta

mas of menos 400 ton. Esaki ta un asunto hopi peligroso pasobra cu tempo e bacterianan aki ta bira mas peligroso no solamente pa e barrio di Parkietenbos sino henter Aruba y nos turismo. Gobierno ta hungando cu salud di nos pueblo y di nos turismo.

Esaki t'e cosnan cu nos parlamentarionan mester habri nan wowo y sali na defensa di nos pueblo y di nos unico pilar economico. Nos parlamentarionan supuestamente cristian ta sigui apoya nan gobierno den nan maldad. Awo diripiente ta pidi pueblo vota riba e encuesta di 24ora.com contra di e matrimonio di mesun sexo mientras e poder ta den nan man pa para e asunto aki enbes di keda sconde tras di firma y e pueblo cristian. Boso ta originalmente parlamentarionan cu ta representa pueblo, pero en realidad boso ta sirbi interes personal y di partido. A yega ora pa boso muestra cu berdaderamente boso kier sirbi Dios y aleha di sirbi e enemigo. No mester di ningun encuesta paso pueblo a firma caba. Kere den Dios y no den politiconan cu ta kere cu nan por sigui dicta paso nos parlamentarionan no tin weso di lomba.

AVP ta papia di bolter cos si den nan mesun seno no por bolter cos. Unico cos cu AVP a bolter ta su ideologia di Cristian pa homo democrata. Bo tin cu tuma un decision y stop di sconde. Bo no por cana un pia den mundo y un pia cu Dios. Partido CURPA e alternativa.



Halamento di conopi durante wega di futbol riba veld di Britannia



DIADOMINGO, pasa di 8'or di anochi, polis a bay na veld di Britannia pa un pelea grandi entre e hungadonan cu tabata hungando riba veld, cu a cuminsa hala otro cu mokete.

Varios unidad di Santa Cruz y Playa a bay, caminda cu nan a bay para pelea riba veld y a pone tur hende na waterpas y a

bisa nan tambe cu si bin un pelea mas, ta haya obliga di para e wega di futbol cu ta andando riba e veld.

Ta un trend di ultimo tempo cu cada rato tin wega riba veld di futbol, e ta caba na halamento di conopi, tiramento di boter tanto di parti di e hungadonan y e fanaticonan cu ta bin presencia e weganan di futbol riba veld.

Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexología Podal
- Detox Lónico

+297-740-5235

Ubicación bajo demanda

Masaje Reductor

Masajes reductores contiene:

- Aparatología Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

Promoviendo bienestar mental

E poder di autoestima y confiansa den bo mes

DEN e variedad increibel di existencia humano, autoestima y confiansa den bo mes ta surgi manera hilo vital, cosiendo e tela di nos sentido di balor y meta. Explorando e influencia profundo di autoestima y confiansa den bo mes ta revela nan papel crucial den nos biahe den nos salubridad emocional.

Autoestima, liga na un strea suave di compasion pa bo mes, ta bin for di dilanti, ta cria nos tereno emocional. E ta sirbi manera un recordatorio suave di nos balor inherente den un mundo hopi enfoca riba validacion externo. Construcion di autoestima ta un acto di amor propio, afirmando un proceso gradual di reconocimiento di nos forsa, aceptacion di imperfeccion, y aceptando nos individualidad.

Ekipa nos cu e resistencia pa enfrenta e desafionan directamente, sirbiendo manera nos harnas den e arena di bida. Sinembargo, confiansa den nos mes no ta estatico; ta un habilidad ki ta polish a traves di e afirmacionnan positivo y festehando hasta e triunfonan mas chikito.

Den nos buskeda pa reforsa autoestima y confiansa den nos mes, compasion mester guia nos. Nos ta reconoce cu momento di duda y inseguridad ta exsperencia humano comparti, y cu imperfeccion ta interno pa crecimiento.

Mientras nos ta nabega e complehidadnan di bida, laga nos extende bondad tanto pa nos mes como pa otro, reconociendo e poder transformado di compasion. Ofreciendo sosten na esunnan cu ta lucha cu nan autoestima y confiansa den su mes, nos ta bira faro di speranza den e reino di bienestar mental.

Pa conclui, autoestima y confiansa den nos mes ta para manera pilar di forsa den reino di salubridad mental. Cu cuido atento, nos ta cultiva e atributonan aki dilanti nos mes, ilustrando un potencial sin limite pa crecimiento personal y realisacion. Arma cu compasion, nos ta afirma nos balor, acepta nos forsa, y avansa cu determinacion padilanti e horizonte mas briyante di nos bienestar.



CARIBBEAN CINEMAS
VIP
A PREMIUM EXPERIENCE

Caribbean Cinemas
PASEO HERENCIA

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

☎ **787-999-3292**

📷 @caribbeancinemasaruba

📺 Caribbean Cinemas Aruba

DOWNLOAD OUR APP

GET IT ON Google Play

Download on the App Store

Bestuurskantoor a cende na blauw como sosten n'e lucha contra abuso di mucha

DIABIERNA 12 di April durante un bunita ceremonia a ilumina Bestuurskantoor cu luz blauw pa asina demostra solidaridad cu e lucha contra abuso di mucha.

Gobierno su compromiso ta pa protege derechonan y bienestar di cada mucha cu ta biba riba nos isla.

Presente pa e ceremonia aki tawata Prome Minister Evelyn Wever-Croes, Minister Rocco Tjon, Minister Xiomara Maduro, varios Parlamentario y varios invitado special cu ta traha riba e tereno di abuso di mucha, entre otro; Fundacion Respeta Mi, Fundacion Mi Voz ta Bo Voz y Bureau Sostenemi. Por a mira tambe un publico grandi bisti na blauw mustrandó asina nan sosten na e lucha contra abuso di mucha. Durante varios discurso cu contenido importante, por a scucha y sinti e compromiso di tur banda pa sigui bringa e abuso di mucha.

Gobierno di Aruba ya a aumenta e castigonan pa loke ta trata e abuso di mucha, e abuso sexual di mucha y si e abuso resulta den fayecimento di e mucha, e abusado lo haya un castigo di 24 aña. E castigonan na Aruba pa abuso y abuso sexual di mucha ta e maximo den Reino. Gobierno ta yuda tambe riba e tereno di investigacionnan pa esakinan bay mas lihe y na e miho manera ya cu esaki ta haci cu e caso lo wordo defendi miho dilanti un hues y asina mas lihe e abusado lo haya e castigo cu e merece y tambe Gobierno ta traha riba e tereno pa yuda y cuida e victima y su famia.

Durante su discurso, Prome Minister a enfatisa cu Gobierno ta haciendo su parti y lo sigui duna di su parti, pero awor

mester di ayudo di e ciudadanonan di Aruba ya cu mayoria di e abusanan cu ta tuma luga ta door di un persona cerca di e famia, y aki Gobierno no por involucra pasobra Gobierno no por bisa ken por bin cerca e mucha of no. P'esey mester di cada un ciudadano y asina hunto siña kico ta e señalnan, y ta alerta y wak kico ta pasa rond di e mucha, y asina hunto por logra protege nos muchanan. E abuso cu mas tin na Aruba ta e negligencia di un mucha, y e abuso emocional y e abuso sexual di cual 99% ta door di personanan cerca di e famia.

E mandatario a gradici di curason tur e profesionalnan cu ta traha riba e tereno aki, y a reconoce cu e tereno aki ta uno difícil y pisa y cu e trabou importante cu nan ta haci ta yuda e futuro generacionnan y asina mayan Aruba tin hobennan sano cu iniciativa pa hiba nos pais padilanti. "Ohala awe y henter e luna di april cu nos a decreta como e luna contra abuso di mucha, nos por yega na oido di tur hende den nos comunidad y realisa cu nos como adulto mester defende y protege nos muchanan", Prome Minister a expresa.



laguna

Indulge in a diverse selection of salads, pastas, and beloved steaks and chops ensuring a dining experience to cherish.

Open daily for dinner from
5.30 to 10.30pm

Daily Live Music



Minister Geoffrey Wever

A duna 147 permiso pa negoshi nobo den prome kwartaal di 2024

PA cuminsa un negoshi of haci cambio den e permiso pa negoshi segun ley, mester haci un peticion pa permiso di negoshi via e website di Departamento di Asuntonan Economico, Comercio y Industria (DEACI) y ta wordo otorga bou di responsabilidad di Minister di Asuntonan Economico. Den e periodo di januari te cu maart 2024 a ricibi 627 diferente tipo di peticion. Di e 627 peticion ricibi, 277 peticion a wordo trata y e permiso relevante otorga, 196 peticion ta den tramite, 154 peticion no por a wordo trata pa falta di documento of pago. Di e 627 peticion ricibi y e permiso relevante otorga, 147 ta peticion pa permiso nobo den e periodo di januari te cu maart 2024. Di e 147 permiso di negoshi nobo otorga, 22 tawata pa e eenmanszaak, 21 pa filiaal, 101 pa VBA, y 3 pa un vennoot di un VOF. E tipo di actividad comercial pa cual mas permiso nobo a wordo otorga ta "houdstermaatschappij, actividadnan di Real Estate, compa-

nianan di construccion kleinhandel den diferente articulonan manera paña, hoy a y e-commerce, y importacion y comercio di auto." Na oktober 2022 Minister Geoffrey Wever a introduci e vestigingsbeleid nobo, cu entre otro e meta pa "speed up" e proceso di otorgacion di permiso dor di elimina diferente rekisito, digitalisa ful e sistema di peticion di permiso y stimula e promising sectors, inversion den centro di Oranjestad y San Nicolas etc. Meta di e vestigingsbeleid nobo ta tambe pa emiti permiso den un periodo di dos siman. Minister Geoffrey Wever ta gradici DEACI pa percura cu e permisonan pa negoshi wordo emiti na forma eficiente y lihe y tambe pa compila na un forma continuo tur informacion riba e proceso di permiso pa negoshi.

Tur informacion riba e proceso pa permiso di negoshi ta disponibel riba e website www.deaci.aw



SIGN UP NOW


VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Resumen di Siman 15



Por duna feedback riba ley di naturalesa te cu 21 April 2024

E Minister di Naturalesa a organisa un consulta publico referente un proposicion di un Ley di Naturalesa den e Constitucion di Aruba. E interesadonan, incluyendo publico y experto, a tene discusion amplio tocante cada artículo di e proyecto di ley.

Inclusion ta fundamental, y e fecha límite pa ricibi comentario a keda extendi te 21 di april pa duna un variedad mas amplio di participante e oportunidad pa contribui na desaroyo legislativo via un plataforma digital.

Presentacion di un modelo pa maneha 'Poder di Compra' pa Aruba

Parlamento di Aruba a ricibi un presentacion riba e modelo di 'Poder di Compra' pa Aruba, desaroya pa 'Economisch Bureau Amsterdam' riba peticion di Ministerio di Asuntonan Economico. Minister Wever a ricibi financiamiento pa esaki despues di aprobacion di Consejo di Minister riba 12 di januari 2024. E modelo, ta destina pa midi e impacto di maneho publico riba poder di compra na Aruba, y ta un herment esencial pa maneho economico di nos isla.

Fundacion Bo Bos ta Mi Bos ta organisa charla informativo pa prevencion di Abuso di mucha

Na april, Fundacion Mi Bos ta Bo Bos, den colaboracion cu e Comision Nacional di Abuso sexual di mucha y gobierno di Aruba, ta organisa varios sesion informativo riba prevencion di abuso infantil na varios MFA. E oradornan experto, incluyendo dr. Melva Croes-Yanez, Audrey Khan, Magali Maduro y Omaira Britten, lo duna informacion crucial riba con pa

reconoce e señalnan di abuso y su impacto. E anochi aki ta promove consciencia y proteccion contra abuso di mucha na Aruba.

Directie Arbeid en Onderzoek ta extende deadline pa entrega Personeelsregister 2023 y Manpowerplanning 2024.

Directie Arbeid en Onderzoek ta extende e termino pa entrega e Personeelsregister 2023 y e Manpower Planning 2024 te cu diamars 30 di april 2024.

Esaki ta conta pa tur empresa, falta di cumplimento cu esaki por resulta den un multa di te cu Awg. 5000,- E registro y manpowerplanning por wordo realisa di forma digital via e portal LABORA. Cada empresa mester entrega e registro pa cada establecimiento. Pa mas informacion por tuma contacto cu ku Sra. Louissety Croes na 523-7722 of via louissety.croes@aruba.gov.aw.

ATA ta introduci www.ata.aw

Aruba Tourism Authority (A.T.A.) a lansa un website nobo, www.ata.aw, cu ta destina pa duna informacion na nos comunidad local. E website ta provee comunicado di prensa, noticia, reportahe di investigacion y cifra di turismo, y ta actua como un plataforma central pa e mision, vision y informacion di contacto di A.T.A.

Concientisacion tocante e impacto di separacion riba mucha

Plan di Mayor ta organisando un siman di concientisacion tocante e impacto di separacion riba mucha for di 15 pa 19 di april 2024. Riba nan página di Facebook, nan ta comparti

APRIL
LUNA NACIONAL
DE CONCIENTISACION
CONTRA
ABUSO DI
DI MUCHA

Fundacion Mi Voz Ta Bo Voz, Comision Nacional di Abuso Sexual di Mucha y Gobierno di Aruba ta presenta:

Charla
Concientisacion y Prevencion di
Abuso di Mucha

Speakers:
Drs. Melva Croes-Yanez | NeuroPsycholoog
Dr. Audrey Khan | Klinische Psycholoog
Sra. Magali Maduro | Directora Bureau Sostenemi
Sra. Omaira Britten | Poeta

7 pm - 9 pm

MFA NOORD MFA PARADERA	11 april 2024 18 april 2024	MFA SAVANETA MFA STA CRUZ	25 april 2024 30 april 2024
---------------------------	--------------------------------	------------------------------	--------------------------------

Nos muchanan Nos responsabilidad!

Fundacion
Mi Voz Ta Bo Voz

informacion y ta ofrece conseho pa mayor, dirigí na diferente grupo di edad di mucha.

Dia 19 di april lo tin un conferencia gratis tocante manipulacion di mayor na MFA Santa Cruz, di 6:00 pa 8:00PM. Registracion ta posibel via nan website: <https://forms.gle/5hCkmHeyZEeqagd8>. Mas informacion ta disponibel via e-mail of riba e pagina di Facebook Di Plan di Mayor Aruba.

Joran van der Sloot ataca den prizon

Joran van der Sloot, condena p'e asesinato di Stephany Flores, a wordo ataca den prizon di Challapalca, resultando den herida na su cara, brasa y lomba. Autoridad ta sospecha un conexon cu su pasado criminal y influencia di e tata di Flores.

Van der Sloot ta cumpliendo un sentencia di 28 aña y anteriormente a ricibi 20 aña pa chantahe den e caso di Natalee Holloway. Ta spera mas confrontacion, mientras cu e atake ta wordo investiga.

99% di abuso sexual di mucha ta ser cometi pa un familiar of conocir!

April ta e luna Nacional contra abuso di mucha na Aruba pa asina crea concientisacion pa e tema aki. Estudio ta muestra riba e echo cu 99% di abuso sexual di mucha ta wordo cometi pa persona conoci, manera famia of amigo. Prome Minister

Evelyn Wever-Croes ta enfatisa e necesidad di consciencia y prevencion den famia pa garantiza un educacion sigur pa muchanan.

Aruba One Happy Island Lions Club y Friends of Lions cu proyecto exitoso 'Tayo riba Mesa' p'e famianan den necesidad

Aruba One Happy Island Lions Club y Friends of Lions a organisa e proyecto 'Tayo riba Mesa' cu exito pa famianan den necesidad, como parti di e Programa di Lions International "Hunger relief". 522 persona a ricibi un cuminda cayente te na porta di nan cas durante e evento, danki na apoyo di comunidad local, boluntario y compania manera Mederi NV y Nagico Aruba.

E siguiente evento ta programa pa dia 25 di mei pa duna mas sosten na esunnan den necesidad.

Alida Francis ta e gezaghebber nobo di Sint Eustatius

Riba 10 di februari, Sra. Alida Francis a huramenta como e prome Gezaghebber femenino di Sint Eustatius. Sra. Francis ta naci na St Eustatius, a studia periodismo y a hiba diferente funcion gubernamental na Sint Eustatius durante su carera.

E nombracion aki ta pone un fin na e supervision di Hulanda, imponi na 2018. Desde awo St. Eustatius mes ta responsabel pa maneho y finanzas di e isla.



Minister Dangui Oduber

Healthy Lifestyle Center ta habri su portanan pa comunidad pariba di brug



DIASABRA atardi Minister di Turismo y Salud Publico tabata invitado pa hiba algun palabra, hunto cu e empleadonan di Healthy Lifestyle Center (HLC) na e apertura di HLC na MFA di Savaneta.

Healthy Lifestyle Center a inicia oficialmente dia 23 di februari 2023 cu su localidad na e oficianan di Ibis na Oranjestad. E meta principal di HLC ta pa brinda e pueblo di Aruba e guia profesional pa cu nan nutricion y movecion, especialmente esnan mas na riesgo pa haya complicacion di salud, door di hiba un bida no saludabel. E meta ta pa guia e participante pa adapta su bida pa uno mas saludabel.

Un di e programanan mas importante di HLC ta pa ofrece servicionan di guia di nutricion y movecion riba un forma personalisa y cu ta adapta na e bida di e cliente specifico. E programa personalisa aki tin un duracion di 3 luna den cual e cliente ta haya su citanan semanalmente cu un dietista den cual e guia con pa yega na un bida mas saludabel ta sosode.

Desde inicio HLC a haya un acogida masha grandi mes di e pueblo di Aruba. Actualmente HLC ta conta cu mas di 350 cliente activo. Durante e aña aki HLC a logra cu clientenan a baha un total di 433kg conhuntamente.

Banda di guia personal HLC tambe ta ofrece otro programanan manera curso na scolnan, curso na companianan, chequeo gratis regularmente na pueblo, ehercicio mensual na unda ful comunidad por participa.

Un programa special cu HLC ta ofrece ta e programa yama “Improving Lives Together”. Esaki ta un programa cu tin un duracion di 3 luna den cual un total di 20 cliente ta participa. E programa aki ta ofrece guia di nutricion y movecion intensivo den un forma “community based”. Durante e periodo aki e clientenan ta ricibi, banda di consultanan semanalmente na HLC cu e dietistanan, tambe un programa di ehercicio cual ta encera 3 biaha pa siman na un gym na unda nan ta ricibi guia profesional con pa haci movecion na un manera safe y accesibel.

Meta di HLC tambe ta pa keda amplia su servicionan y bay den organisacionnan pa asina guia tur esnan na pia di trabao. Esaki tambe ta razon pa habri un di dos localidad pa asina keda accesibel pa tur persona aki na Aruba. HLC ta forma parti di e vision di Minister di Salud Publico na unda prevencion ta e enfoque principal di su maneho riba tereno di Salud Publico y cual ta cuadra cu ehecucion di e Plan Nacional Multisectoral contra NCDs 2020-2030 cu conhuntamente cu DVG y PAHO, Gobierno di Aruba a firma na aña 2019.

Minister Oduber kier a manda un palabra di gradicimento y felicitacion na e team profesional di HLC, Directie Volksgezondheid, Plataforma di Promocion di Salud y tur esnan cu ta aportando pa haci HLC un programa exitoso.

Un yamada na pueblo di Aruba, especialmente esnan pariba di brug, pa acudi na e centro y busca informacion. Tuma e prome stap p ricibi guia profesional pa asina bo logra haci un cambio di estilo di bida pa uno mas saludabel.

Cu alrededor di 700 participante, Ronde van Aruba tabata un exito

Prome Minister ta felicita tur atleta cu a participa y gradici nan pa engrandece deporte na Aruba



DIABIERNA anochi a tuma luga e magno evento deportivo Ronde van Aruba 2024. Prome Minister Evelyn Wever-Croes tabata presente na Marinierskazerne na unda el a duna un discurso cortico prome cu e evento a cuminsa. Ronde van Aruba ta un evento deportivo hopi conoci y gusta pa esnan cu ta den e mundo di coremento, mirando cu e ta un reto hopi grandi pa cada un di nan como deportista.

Evento a cuminsa pa 8or di anochi na Marinierskazerne, y a conta cu alrededor di 700 participante cu a core rond di Aruba, pa termina den oranan di mainta bek na Marinierskazerne. Pa e competencia aki, tabata tin atletanan den grupo y individual.

Prome Minister a expresa, cu pa presencia e comienso di Ronde van Aruba, na unda tur e atletanan a prepara pa cuminsa, tawata un sentimento particular, na unda por sinti e vibracion di positivismo, y e amor cu cada atleta tin pa e deporte di coremento. Pasobra, pa por logra competi den un evento di e magnitud aki, ta tuma hopi dedicacion, disciplina, determinacion, y e deseo pa por yega te na final exitosamente.

"Como Prome Minister di pais Aruba, mi ta hopi orguyoso di

cada un di e atletanan cu a tuma e reto aki di participa na Ronde van Aruba. Un danki na Marinierskazerne pa organisa e evento aki, y na tur e sponsornan cu a haci esaki posibel. Por ultimo, mi kier a gradici tur e participantenan pa ta un inspiracion pa cada un di nos, y pa nan contribucion na engrandece deporte na Aruba", Prome Minister a epxresa.

Pabien na tur participante y na e ganadonan di Ronde van Aruba



Minister Geoffrey Wever

Conseho di Minister a haya presentacion riba e koopkrachtmodel pa Aruba



DIABIerna, 12 di april riba peticion di Minister Geoffrey Wever Economisch Bureau Amsterdam a duna un presentacion elabora na Conseho di Minister riba e proceso pa traha un “koopkrachtmodel” pa Aruba.

Un “koopkrachtmodel” ta un instrumento necesario pa midi e posibel impacto di maneho riba e poder di compra di hogarnan na Aruba. Pais Aruba actualmente no ta dispone di un modelo asina.

Minister Geoffrey Wever durante tratamiento di begroting 2024 di Ministerio di Asuntonan Economico, Comunicacion y Desaroyo Sostenibel den december 2023 a elabora riba e necesidad grandi pa un “koopkrachtmodel”.

Conseho di Minister riba 12 di januari 2024 a duna aprobacion, riba peticion di Minister Geoffrey Wever pa inicia e proceso pa traha un “koopkrachtmodel” pa Aruba. Diabierna, despues di tres luna Economisch Bureau Amsterdam ta duna Conseho di Minister un presentacion riba con e “koopkrachtmodel” ta traha y con e por wordo uza comon un instrumento di maneho pa midi e posibel impacto di maneho riba e poder di compra di hogarnan na Aruba.


Un meta importante di maneho economico ta pa mehora e

poder di compra di tur ciudadano. Pa logra e mehoracion di poder di compra ta necesario pa tin un instrumento manera e “koopkrachtmodel” cu ta haci'e posibel pa na un manera efectivo implementa maneho cu un impacto positivo riba e poder di compra na Aruba.

Ta net tres luna cu nos como pais a inicia e proceso pa traha un koopkrachtmodel y e trabao ta den su fase final. P'esey ta na su luga cu despues cu Parlamento di Aruba a wordo debidamente informa riba e koopkrachtmodel, Conseho di Minister tambe haya un presentacion riba e uzo di koopkrachtmodel y riba e proceso pa yega na esaki, segun minister Geoffrey Wever.



Division na Hulanda p'e posibel prohibicion pa kima Koran



E Gabinete ta dividi riba un posibel prohibicion pa kima e Koran. En particular, CDA ta pidi medida mas estricto pa evita e kimamento di e buki sagrado Islamico. Sinembargo, VVD ta opone na un prohibicion y ta enfatisa libertad di expresion, a pesar di haya cu e kimamento di Koran no ta algo netjes.

E discusion aki ta bin di e protestanan violento recien, manera grita cos horibel n'e bishitantenan di e Museo Nacional di Holocausto nobo na Amsterdam y despues di e anuncio di kimamento di Koran na Arnhem na inicio di e aña aki. Varios grupo, incluyendo e agricultornan protestando, oponentenan di Zwarte Piet y e miembronan di Extinction Rebellion, ya a causa disturbio.

Tweede Kamer ta planeando un debate riba e derecho pa manifesta y e posibel restriccionnan. Prome cu esaki tuma luga, ta spera cu e Gabinete lo presenta un carta tocante su punto di bista riba e topico.

Dentro di e Gabinete tin un opinion dividi riba e tema. Minister Hanke Bruins Slot di CDA ta boga pa haci e kimamento di Koran dificil, citando "siguridad internacional" como e motibo pa prohibi e manifestacionnan aki. E ta teme cu falta di accion contra e kimamento di Koran por causa atake riba embahada Hulandes den exterior, similar na loke a sosode anteriormente na e Embajada Sueco na Baghdad.

Di otro banda, tin minister Dilan Yesilgöz di VVD, kende, aunke ta condena e kimamento di Koran

como "primitivo", "insipido" y "astuto", ta enfatisa cu nan ta permiti den un democracia liber y mester keda asina pa proteha e libertadnan. E ta boga pa proteha e embahadan miho en bes di dobla bou di menasa di e fundamentalistanan.

Alcalde di Arnhem, Ahmed Marcouch, a pidi e Gabinete pa prohibi e kimamento di Koran, despues di duna permiso inicialmente pa tal accion den su ciudad. E peticion aki a bin despues di presion di e administradornan di e moskee. Finalmente, Marcouch a prohibi e kimamento di Koran na Arnhem pa motibo di e conseho di polis pa motibo di e menasa di desorden serio y menasa terorista.



Trending na Hulanda



PRIJS di petroleo ta subi pa motibo di e atake Irani riba Israel

Prijs di petroleo a subi recientemente na su nivel di mas halto den seis luna debí na e aumento di tension den Medio Oriente. Riba diabierna atardi, prijs di petroleo a subi cu casi 3%. For di comienso di e aña aki e prijsnan a subi cu 19% como resultado di e agitacion aki. E fuente di e aumento aki ta basa riba e menasa di un posibel atake Irani contra Israel, den represalia pa un bombardeo Israeli riba e consulado Irani na Siria. Segun informacion di servicio di siguridad occidental, Iran por lansa un atake cu misil y drone riba territorio Israeli den 48 ora. E escala aki por causa interrupcion den suministro di petroleo den e region. E aumento di prijs di petroleo tambe ta afecta e prijsnan di gasolin, cu a subi significativamente den e ultimo lunanan. Segun e Union di Consumidornan, e prijs di retail recomenda di un liter di 95 euro ta actualmente di 2,27 euro, mas di 20 cent mas cu na inicio di aña.



Djokovic, despues di nueve aña, ta semifinalista atrobe na Monte Carlo despues di un victoria contra Alex Minaur

Novak Djokovic a yega semifinal bek despues di nueve aña den e Torneo di Masters di Monte Carlo, despues di a gana Alex De Minaur. E Serbio di 36 aña a gana den di dos set y awo e ta enfrenta e ganador di e duelo entre Ugo Humbert y Casper Ruud. E otro semifinal lo tuma luga entre Jannik Sinner y Stéfanos Tsitsipás.

Djokovic, kende lo cumpli 37 aña riba 22 di mei, lo bira e semifinalista di mas bieu den historia di e torneo. A pesar di algun interrupcion den e di dos set, Djokovic a elogia su oponente y a subraya e victoria como crucial. E victoria ta duna Djokovic e chens pa gana su prome Torneo Masters di aña, despues di perde anteriormente na Indian Wells y despues e no a competi na Miami.



Varios Hulandes accidenta den avalancha

Tres Hulandes a muri accidenta pa un avalancha na Austria, mientras cu un di cuater persona a resulta herida, segun polis Austriaco. E victimanan tabata 33, 35 y 60 aña, respectivamente, mientras cu e herido tin 32 aña. Dos di e mortonan tabata miembro di Apeldoorn AMHC Hockey Club. Nan tabata parti di un grupo di diesseis Hulandes cu a bay ski hunto cu cuater guia Austriaco na e municipio di Sölden. E grupo tabata dirigiendo nan mes pa Martin-Busch-hütte den e Alpen di Ötztal na 2.500 meter di haltura ora cu e avalancha a tuma lugar rond di 11:00 am. E persona herida a wordo transporta cu helicopter pa un hospital na Zams y no ta wordo considera den peliger di morto. E identidad di e victimanan a wordo confirma pa e presidente di e club di hockey. AMHC a expresa su condolencia n'e famianan y e sernan cercano di e victimanan.



Albert Heijn no ta traha mas cu compania cu ta corta wowo di cabaron afo

Albert Heijn (AH) a anuncia cu e lo stop di bende cabaron procedente di e productornan cu ta corta wowo di e cabaronnan aki afo. Tambe AH tin e plan pa dentro di un aña saca e cabaronnan aki for di nan productionan gevieres y for di den e variedad di 'snacks'. E decision aki ta bin despues cu e organizacion di bienestar animal 'awake animal' a bati alarma riba e practica, den cual ta corta wowo di e animalnan aki afor. E practica aki ta tuma luga principalmente cerca e proveedornan di Vietnam, Ecuador, Honduras, Indonesia y Venezuela. Investigacion ta muestra cu e cabaronnan ta experencia stress durante y despues di e tratamento aki. Albert Heijn ta boga pa haci uso di proveedornan cu tin un facilidad sostenibel y transparente, cu ta verdoof e cabaronnan electricamente prome cu nan wordo sacrifica. Awake Animal ta aplaudi e pasonan aki y ta spera cu e otro supermercadonan lo sigui su ehempel.

Futbolista Babadi elimina temporalmente for di Eredivisie

Isaac Babadi, midfielder di PSV di diesnuebe aña, lo no hunga e temporada aki di Eredivisie mas pa motibo di un lesion na su rudia, cual el a sufri durante un entrenamiento. E testnan medico a descarta un lesion den e ligamento, pero su temporada ta parce di ayega su final. Aunke no a revela e

gravedad di e lesion, ta spera cu e lo por resumi su preparacion pa e temporada nobo. Babadi, kende recientemente a extende su contract te 2028, lo perde e cinco weganan restante di PSV. E desaroyo aki ta expande e lista di hungadonan herida, incluyendo Noa lang, Ismael Saibari y Ricardo Pepi. Sinembargo, Hirving Lozano ta bolbe den e seleccion pa e siguiente duelo contra Vitesse. PSV a confirma e lesion di Babadi y ta spera su regreso pa e temporada nobo.

Union Europeo a aproba acuerdo nobo p'e trahadornan migrante for di e paisnan extracomunitario

E trahadonan ta haya mas flexibilidad pa cambia di trabou, pa acapara e scarsedad riba mercado laboral. Actualmente, e trahadonan migrante aki ta ricibi un permiso di trabou cu ta permiti nan traha cu un solo dunado di trabou, cual por causa abuso. E reglanan nobo lo permiti nan keda den e pais di UE pa tres luna despues di a perde trabou, pa por busca un trabou nobo, duplicando esaki na seis luna si nan tabata trahando den UE pa por lo menos dos aña.

E paisnan di UE por introducí nan mes un ley cu ta exigí cu e trahadonan cu un permiso di trabou temporal mester keda cu un dunado di trabou pa un periodo minimo di tempo. E reglanan nobo lo drenta na vigor dentro di dos aña.



E cantidad di bancarota na Hulanda a aumenta n'e punto di mas halto den shete año

DEN e prome kwartaal di e año aki, 914 compania na Hulanda a declara nan mes den bancarota, un aumento di 48% compara cu e mesun periodo di año pasa. Esaki ta e cantidad di bancarota mas grandi for di e prome kwartaal di 2017, segun dato di Oficina Central di Estadística (CBS). E empresanan di transporte y e empresanan activo den e almacenamiento di mercancía en particular a keda hopi afecta pa bancarota, manera e cifranan ta muestra. E sector comercial tambe a experencia un cantidad significativa di bancarota, cu ta parcialmente debi na e tamaño di e industria aki.

E aumento di bancarota a cuminsa durante e pandemia di corona na 2020, y e cantidad a aumenta rapidamente, pa despues baha bek na un minimo historico na augustus 2021, ora cu solamente 109 compania a bati bancarota. Den comparacion, 332 compania a declara nan mes den bancarota luna pasa. E tendencia aki ta tumando luga ya pa dos año consecutivo, y e cantidad di bancarota ta sigui aumenta.

Den luna di maart por a tuma nota di un bahada den

bancarota di 2% compara cu februari. Sinembargo den e prome tres lunanan di 2024, mas cu 46% mas compania a declara nan mes den bancarota cu e mesun periodo di año anterior

E cantidad di bancarota ta muestra di ta fluctua na un manera significativa y no ta constant. Despues di a yega na un maximo di 911 bancarota na mei 2013, e cantidad di bancarota a baha te cu augustus 2017. Despues di esaki, e tendencia a keda bastante stabiel te na mei di 2020, despues esaki a baha te na un e mínimo historico di 109 bancarota na augustus di 2021. For di mei 2022, e bancarota a keda continuamente mas halto cu den e mes luna di año anterior. Na maart un total di 312 empresa y institucion a declara nan mes den bancarota, di cual 57 tabata pertenece na e sector comercial. Mientras cu esaki a baha cu 12 porciento desde februari, comercio ta keda e industria cu mas bancarota. Den un sentido relativo, mayoria di e bancarotanan a wordo declara na maart den e sector di transporte y almacenamiento.

Diferencia entre generacion

Perspectiva conflictivo riba identidad y pertenencia

DESPUES di e comentarionan rasista di Johan Derksen riba e diputado di GL-PVDA Habtamu De Hoop, un diferencia generacional a sali na cla den termino di opinion tocante identidad y pertenencia. Mientras cu algun hende grandi ta cuestiona e conexion di De Hoop cu su herencia, bosmas hoben ta para su tras, bogando pa respet y inclusion.

E comentarionan di Derksen, cu a tuma luga durante un discussion na television tocante e iniciativa di e gobierno Hulandes pa sostene e idioma y cultura Friso, ta enfatisa e persistencia di rasismo diario den sociedad Hulandes. Su afirmacion cu De Hoop, a pesar di su educacion na Friesland, no ta realmente "Friso", a provoca un ola di indignacion, particularmente entre e politico y e figuranan publico mas hoben.

De Hoop a confirma su identidad cu orguyo, destacando cu su mayornan adoptivo Friso a cri'e na un cunucu na Wommels. Sinembargo, el a expresa tambe su deseo pa cambia e enfoque di e controversia aki pa temanan mas importante manera vivienda accesibel y transporte publico, indicando un enfoque pragmatico cu ta wordo aprecia pa su generacion.

E choke di perspectiva aki ta refleha diferencia generacional mas amplio den punto di bista riba identidad y diversidad. E generacionnan mas grandi por tene nan mes na e punto di bista tradicional riba nacionalidad y origen etnico, mirando e desviacionnan di e normanan aki cu sospecho. Mientras tanto, hende mas jong ta boga pa inclusion y diversidad cultural, reconociendo e rikesa cu diferente origen ta aporta na sociedad.

Segun cu sociedad ta enfrenta problema di rasismo y discriminacion, cera e diferencia di generacion ta bira mas y mas importante. Mientras e generacionnan mas grandi por beneficia di introspeccion y e deseo pa adapta n'e normanan social evolutivo, e generacionnan mas hoben mester sigui boga pa inclusion y desafia prehuicionan anticua.

Den futuro, promove dialogo y comprendemento entre e generacionnan ta esencial. Reconoce y respeta diferente experiencia y perspectiva, nos por lucha pa un sociedad mas husto y harmonico den cual tur hende ta sinti nan mes balora y acepta, independientemente di nan anteceden-
tenan of educacion.

Husticia Belga ta investigando influencia Ruso den Parlamento di UE

E ministerio publico Belga a inicia un investigacion penal riba e posibel influencia Ruso di e miembronan di parlamento Europeo. Asina Prome Minister Alexander de Croo a anuncia despues di e revelacionnan di e servicionan di inteligencia.

Belgica, como pais anfitrión di Parlamento Europeo y e otro institucionnan Europeo, a ricibi advertencia di Republica Checa. E pais aki recientemente a revela un red cu a paga e politiconan Europeo pa divulga propaganda Ruso.

Aunke no establece pago concreto na Belgica, Croo ta reconoce e presencia di influencia. E Prome Minister no a duna ningun detaye di e cantidad di eurodeputado involvi, nan identidad of nan nacionalidad.

Anteriormente, sinembargo, medionan Checo a sugeri cu politiconan Hulandes tambe tabata involvi den e operacion Ruso.

Motivacion pa e eleccionnan Europeo

Segun De Croo, Rusia tabata tin como meta pa eligi mas eurodeputado pro-Rusia durante e eleccionnan Europeo di juni y asina fortalece e vision Ruso den Parlamento Europeo. E supuesto "red di interferencia" lo tabata activo den varios pais Europeo, incluyendo Belgica.

Investigación criminal Belga a cuminsá recientemente. Ademá, Belgica a pidi Eurojust, e organizacion cu ta coordina cooperacion entre e servicionan di husticia Europeo, pa consulta urgentemente.

Croo ta enfatisá e necesidad pa e Oficina Di Procurador Europeom y e servicio Anti-Fraude OLAF actua contra e posibel menasa aki. Si e organizacionnan aki no tin suficiente instrumento pa hasi esaki, nan mester ta disponibel.

E Promé Minister lo presentá e asunto aki e siguiente siman na e cumbre di UE na Bruselas, caminda e lo boga pa garantisá eleccionnan liber y sigur.

Hulanda enfrentando un escases di personal penitenciario

NA e momentonan aki tin un escases significativo di personal penitenciario na Hulanda, cual ta un problema urgente segun un debate parlamentario recién cu e Minister Dimi Weerwind. E escasez di personal penitenciario a conduci na un lista di espera di mas o menos 2.400 convicto cu actualmente no ta tras di trali. Aunke tin suficiente cel, falta di personal ta un impedimento pa ehecucion di sentencia.

E situacion ta wordo mira como preocupante pa practicamente tur partido den Tweede Kamer, pero no tin consensus riba un posibel solucion. Minister Weerwind ya a propone medida di emergencia, manera pospone sentencia corto y permiti e convictonan pa meld nan mes tur dia. Sinembargo, e medidanan aki ta wordo ricibi cu sentimentonan mixto, y algun partido ta advertí di posibel consecuencia negativo, manera un acumulacion di convicto cu mester meld tur dia.

Ademá di e medidanan di emergencia, e Minister ta considerando tambe otro opcion, incluyendo liberacion delanta di e prizonero cu normalmente lo sali cu verlof den weekend, y ta explorando e solucionnan tecnologico manera robotizacion y vigilancia electronico pafo di prizon. Sinembargo, e proposicion pa permiti e prizoneronan uza enkelband como parti di e manejo di capacidad ta topa cu resistencia di varios partido, cu ta di opinion cu un sentencia mester wordo cumpli den prizon.

E debate den e kamer ta concentra principalmente riba haya un balans entre respeta sentencia y castigo y trata e scarsedad di personal.

Tin division riba e posibel solucionnan, cu proposicionnan cu ta bay for di reduci e tempo cu e prizoneronan ta pasa pafo di e cel te na un austeridad mas halto den e sistema penitenciario. Riba diamars, e partidonan lo vota riba e medidanan proponi, maske no tur partido ta completamente di acuerdo riba e pasonan pa sigui.



Pizzas De Pan Francés

¡CON tus ingredientes favoritos sobre una corteza crujiente de pan francés, esta pizza de pan francés es una comida deliciosa y fácil que se prepara en menos de 30 minutos!

Receta
TIEMPO PREVIO:8 minutos
HORA DE COCINAR:22 minutos
TIEMPO TOTAL:30 minutos
2SERVICIO

- Ingredientes:
- 1 pieza de baguette
 - 2 cucharadas. Manteca
 - 0.25 taza de ajo
 - 0.25 taza de orégano [mezcla de perejil]
 - 1 cucharada. [Para la salsa]
 - 3 tazas de salami
 - 0,5 taza de perejil
 - 1 cucharada. Polvo de pimentón
 - Peperoncino de 4 unidades
 - 0.5 taza de aceituna
 - 1 taza de albahaca
 - 0.1 taza de azúcar
 - 1 cucharada. Aceite de oliva
 - 1,3 taza de salsa de tomate
 - 1,5 taza de queso mozzarella
 - 1 pizca de sal
 - 1 pizca de pimienta negra

Direcciones:

- 1
Corta la baguette en 3 rollos, partidos por la mitad.
- 2
Calentar una sartén grande, poner mantequilla y agregar el ajo picado, el orégano y el perejil. Revuelva para mezclar bien y cocine durante 2 a 3 minutos.
- 3
Extienda la pasta sobre los panecillos, transfíralo al horno a 355°F (180°C) durante 7 minutos.
- 4
Combine la salsa de tomate, el orégano, el azúcar, el aceite de oliva, el pimentón en polvo, la sal y la pimienta en un bol. Mezclar bien.
- 5
Unte la salsa sobre los panecillos y agregue el queso mozzarella. Coloque la aceituna, el salami y el chile jalapeño separados en cada rollo. Adorne con albahaca. Hornear a 355°F (180°C) durante 15 minutos.
- 6
¡Disfrutar!



‘Screentime’ ta di gran influencia

Bista di nos muchanan ta bira cada bes mas malo,

MIOPIA (bijziendheid) entre mucha chikito ta un problema creciente cu ta rekeri atencion mundial. Ta fundamental p’e mayornan tuma medida proactivo pa promove salud di wowo di nan yiunan y preveni miopia di largo plaso.

Oftalmologonan a desaroya un serie di guia practico pa yuda e mayornan proteha e salud di wowo di nan yiunan. Un di e reglanan aki ta e regla 20-20-2, cu ta stipula cu despues di wak for di cerca pa binti minuut, e muchanan mester wak for di leu pa binti seconde. Ademá, ta recomenda p’e muchanan pasa por lo menos dos ora pa dia den aire liber, caminda luz natural tin un impacto positivo riba salud di wowo.

Justine Pardoën di Bureau Jeugd en Media ta enfatisa e importancia di ripiticion den educacion pa yuda e muchanan desaroya custumbernan saludabel relaciona cu uzo di e pantaya. E mayornan por traha un rutina den cual e muchanan ta tuma pausa regular for di e aparatonan digital y haci ehercicio di wowo. Esaki por wordo logra, por ehempel, door di sali hunto despues di un periodo di uzo di e pantaya y papia tocante loke por mira for di leu.

E expertonan ta considera miopia den mucha como un epidemia, cu posibel consecuencia pa e gastonan futuro di cuido medico. P’esey ta vital p’e mayornan tuma medida pa proteha salud di wowo di nan yiunan. Aplicando algun strategia simpel pero efectivo, e mayornan por tin un impacto positivo riba salud di wowo di nan yiunan y yuda preveni

miopia di largo plaso.

Un di e pasonan mas importante cu mayor por tuma ta implementa regla 20-20-2. Tuma descanso regular mientras ta uza aparato digital por yuda e muchanan descansar nan bista y preveni miopia. Ademá, promove actividad den aire liber ta fundamental, ya cu luz natural ta beneficioso pa salud di wowo.

Limita e uzo di e pantaya y promove actividad alternativo tambe ta aspecto importante pa preveni miopia den mucha. E mayornan por encurasha nan yiunan pa lesa, hunga pafo y haci obra di man en bes di pasa periodo largo dilanti di un pantaya.

Crea conciencia tambe ta vital. E mayornan mester papia cu nan yiunan tocante e importancia di salud di wowo y splica nan pakico ta necesario pa tuma descanso regular mientras nan ta uza aparato digital. Como nan mes ta un ehempel di uzo saludabel di obheto cu pantaya, e mayornan por curasha nan yiunan pa desaroya custumber saludabel.

Resumiendo, door di aplica e regla di 20-20-2, encurasha actividad pafo di cas, limita uzo di pantaya, crea conciencia y mustra comportacion modelo, e mayornan por tin un impacto positivo riba salud di wowo di nan yiunan y yuda preveni miopia a largo plaso. Ta esencial p’e mayornan ta proactivo den proteccion di wowo di nan yiunan pa nan por disfruta di un bista cla y un desaroyo di wowo saludabel durante nan bida.





“Señor ta mi wardador, mi no tin falta di nada.
Den cunucu di yerba berde e ta pone mi sosega.
E ta hiba mi na awa trankil, pa mi bolbe haya forsa.”
Salmo 23: 1,2,3

Cu hopi dolor na nos curason pero conforme cu Dios su
boluntad
nos ta participa cu a fayece na Ocala Florida
nos esposa, mama, wela, ruman, cuña, tanta, sobrina,
prima y amiga stima

Ivy Marcia Tang Yuk-Comenencia

*05-06-1963 – †01-03-2024

Tata: †Alejandro “Indio” Comenencia. Mama: †Adela Comenencia-Gomez. Esposo: Ryan Tang Yuk
Yiu: Ryan Gentle Tang Yuk y Paula Krashner. Nieto stima: Ryan Ivan Tang Yuk
Yiunan di criansa: Sooling Tang Yuk, Rumico Tang Yuk
Nieta di criansa: Cabria de Chabert
Rumannan: †Gabriel “Peppy” y Alexandrina Comenencia-Blanco, Fanny y Legenhousen “Larry” Nyack-Comenencia, Judith y Frank Richardson-Comenencia, Beatriz “Beata” y Luis “Gino” de Cuba-Comenencia, Edwin “Papito” y Elvia Comenencia-Rodriguez, Alejandro “Niño” y Glenda Comenencia-Albertsz, Maria “Mary” y Tirso Tromp-Comenencia
Manera ruman: Roy y Elaine Quandus-Geerman
Sobrino(a)nan: Sheldon y Marlin Nyack-Figaroa y famia, Ghislaine y Harold Grant-Comenencia y famia, Arthur y Gennilee Comenencia-Ras y famia, Franklin y Elsa Richardson-Rincones y famia, Aldrin y Maaie Comenencia-Los y famia, Javier “Derrick” Comenencia, Julienne y Jobert Reyes-Comenencia y famia, Rujina Comenencia y yiu, Lugina y Ervany Machado-de Cuba y famia, Gabriela Tromp y Andrew Croes
Omonan: Joaquin “Quincho” Comenencia y famia (Colombia), Carlos “Calulo” Comenencia y famia
Tanta: Teresa Kock-Comenencia y famia
Suanan: †Kenrick Noel y famia, Mervin Tang Yuk y famia, Oswald Tang Yuk y famia, Vincent Tang Yuk y famia
Cuñanan: †Monica Beharry y famia, Linda Jerome y famia, Barbara Beharry y famia, †Jackie Tang Yuk, Patricia Tang Yuk
Primo(a)nan na: Aruba, Corsow, Colombia y Hulanda
Primanen stima: Jetzy de Koning-Bruges, Ederlinda Kock, Sonia Quandt-Gomez
Tur su amiga- y amigonan y amistadnan stima na Aruba y su barrio Dakota, Ocala, St. Croix, Corsow y Hulanda
Demas famianan: Comenencia, Tang Yuk, Noel, Beharry, Jerome, Blanco, Nyack, Richardson, de Cuba, Rodriguez, Albertsz, Tromp, Kock, Violenus, Figaroa, Grant, Reyes, Ras, Rincones, Los, Machado, Croes, Neuman, de Koning, Quandt, Bitorina, Irwin, Ramharak, Beke, King, Jeroe, de la Cruz, Lispier, Hodge, Castillo, Castillejo, Ras, Quandus, Porino, Franken, Geerman, Herts, Dania, Tromp, Nuboer, Sneek, Steenen, Rafael, Lake, Becker, Martis, Pablo, Schwengle. Na Corsou: Marlene Comenencia y rumannan y famia, Randy de Lannoy y famia, Famia Jacobus, Famia Curiel. Na Colombia: Comenencia, Gomez, Elias, Bruges, Scott, Alzamora, Granados, Freyle Villar. Acto di condolencia y ceremonia di despedida lo tuma luga na Parokia Birgen di Fatima na Dakota, diasabra 20 di April 2024 di 9:30 pa 11:30 di mainta. Despues ta sigui pa su ultimo luga di sosiego na Santana Central Sabana Basora. Despues di entierro nos no por ricibi bishita di condolencia na cas, nos ta pidi comprension pa esey.
Si acaso den nos tristesa nos por a lubida algun famia, nos ta pidi nos mas sincero disculpa. Enbes di flor of krans lo tin un box disponibel pa donacion pa Parokia Birgen di Fatima Dakota



Su bida lo keda inspira nos

Gradicimento

Su mayornan, casa, yiu, nietonan, rumannan, wela y welonan, tanta y omonan, sobrina y sobrinonan, suegra, cuña y sua, coleganan y demas famia di nos defunto stima:

Omar Anthony Franken

Ta gradici di curason tur esunnan cu di un of otro manera a sostene y consola nos durante favecemento y entierro di nos Tata stima.
Danki pa tur mensahe y tambe dedicacion nan special atraves di medionan social, whatsapp, yamada telefonico y/of bishita personal. Boso presencia durante e condolencia y entierro di nos defunto tabata di gran consuelo pa nos.

Danki tambe pa tur e atencion duna pa medio di carchi, areglonan di flor y krans. Un danki inmenso di curason na Korps Politie Aruba pa haci Omar su despedida uno hopi special y bunita cu hopi dedicacion y pasenshi.


Un danki special na: Alvin Lacle, Jessie Maduro, Sergio y Luisa, Urvin Lacle, Ramon Arnhem, Dr. Dennis Rasmijn, Janine Rodriguez, Oldric Fernandez y tur demas persona cu di un of otro manera a dedica y sostene Omar.

Un grandicimento di curason na Marcolino y Lucia Kelly.

Na tur persona y / of grupo di persona cu a yuda sea den oracion, forma financiero of algun otro tipo di ayudo masha danki.

"Corda semper trata hende cu cariño, respet y sin rencor y bo lo yega leu den bida."

“POSITIVO, ONE LOVE.”



Laga tur loke ta spera mi ta bunita
Laga tur locual cu mi encontra na caminda ta bunita

Laga tur locual cu mi laga atras keda bunita y Laga esakinan termina den tur bunitesa.

Cu inmenso dolor na nos curason, nos ta anuncia fayecimento di

Welbin A. Vidal

*01-04-1990 - † 06-04-2024

Na number di Mercedes Vidal, Tina Vidal y Jose Alturo kier a invita pa acto di entierro cual lo tuma luga na Fundacion Dominicana na Nieuwstraat 34 D, Diamars 16 di April 2024 di 2’or pa 4’or di atardi y despues lo sali pa Santana Gobierno na Playa.

you may not
understand now
what I am doing. but
someday, you will.

john 13:7

When I am
afraid, I put my
trust in **YOU**.

—Psalm 56:3, NIV

Lieve Ben
Je vroeg zelf nooit om
aandacht, maar had alle
aandacht voor ons.
Je was hulpvaardig en
begaan met de mensen en
de wereld om je heen.
Hoe fijn was het om daar
met jou over te praten.
We houden van je en gaan
je missen.

Je vrienden van Aruba





” Remembrance is a form of meeting” - Kahlil Gibran

“Your living is determined not so much by what life brings to you as by the attitude you bring to life; not so much by what happens to you as by the way your mind looks at what happens.” - Kahlil Gibran

Cu dolor na nos curason pero tambe agradeci-do pa tur e bunita recuerdonan, nos ta anuncia e fayecimento di:

Bernardus (Ben) F. C. King
*14 januari 1948 - † 9 april 2024

Na number di su:

Casa: Mieke de Droog

Yiunan: Sandra Vocking, Jeroen Vocking y Corien Steendijk, Natasja y Jerry Gomez, Joeri King y Kim Risseeuw

Nieto(a)nan: Sven y Yara Huigen, Emma y Tom, Damian y Milena Gomez, Nova King

Rumannan: Hans y Maaïke Vocking y famia, Marian y †Jan van Swinderen y famia, Cu-ñanan: Mily Graafland y famia, Andrea de Droog y famia


Su Fellow K brothers di Kiwanis Club of Palm Beach y famia, Su colleganan di direc-tiva di Neptali Henriquez Park y famia, Tur su amistadnan, bisiña y conocirnan

Un danki special na dokter di cas Dr. Marcel Ho-Kang-You y sra. Lola Geerman di Konin-gin Wilhelmina Fonds Aruba.

Oportunidad pa condolencia lo ta dialuna 15 april 2024 di 7’or pa 9’or di anochi y diamars 16 april 2024 di 9’or pa 11’or di mainta na Aurora Funeral Home.

Ta invita pa e acto di celebracion di Ben su bida cual lo tuma luga diamars 16 april 2024 di 11’or pa 12’or di mainta na Aurora Funeral Home. Cremacion lo tuma luga den seno familiar.

Nos lo aprecia cu enbez di flor of krans re-corda Ben na forma di un mensahe of un recuerdo riba un papelito. Por trece esaki of scirbie na e momento di condolencia. Lo bai tin un cahita special pa tur e papelitonan. Ben lo sigi celebra bida cu bunita recuerdonan den nos y bo(so) pensamiento y curason. Nos ta lamenta cu despues di entierro nos no lo por ricibi bishita di condolencia na cas.



Lo E seca tur lagrima for di nan wowo, y morto lo no existi mas: lo no tin nada di rouw, nada di yoramento, nada di dolor mas, pasobra tur cos di antes a pasa bay.
Rev. 21:4

A bay sosega den brasa di Señor nos ser stima:

Candido Jacobo Angela
Cariñosamnete yama “Coby of Cobito”
*11-10-1940 - †13-04-2024
Drumi dushi den brasa di Señor
Acto di entierro lo wordo anuncia despues



You only take with you, the memories you leave behind...

Graag willen wij iedereen bedanken die op de één of andere manier zijn of haar mede-leven heeft getoond bij het verlies van onze vader, grootvader, overgrootvader en echtge-noot.

Henry Willem Vishnudatt

Ons hart is vol en warm van alle berichten, telefoontjes en telegrammen die we van jul-lie hebben ontvangen.

Ook is onze dank groot aan degenen die met hun aanwezigheid ons hebben bijgestaan in het afscheid van onze dierbare.

Familie Vishnudatt





AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com